

## სალამური

გამიგონია, ვითომც ლერწამი  
ობლის საფლავზე ამოსულიყოს  
და თავის ქნევით, დამუქრებული,  
მაღლა ზეცისკენ ის წასულიყოს,  
რომ მიეტანოს იქ ჩვენის ქვეყნის  
მწარე ამბავი და საჩივარი,  
მაგრამ იმავ დროს ეშმაკის სული  
დასტაკებოდეს გრიგალი ქარი,  
გადაელუნოს, გადმოელუნოს  
და მოეთხაროს სულ ძირიანა;  
მერე ენახოს მწყემსს წაქცეული,  
ხელში აედოს პატარ დანა  
და გამოჭრას მას სალამური,  
რომ მოწყენის დროს სული ჩაჰბეროს,  
და მთა და ბარის დასატკობელად  
აკვწესოსო და აატიროს.  
ეს უნდა იყოს ის მაცდური ხმა,  
პირველ მწყემსისგან მოგონებული;  
აქ ისმის ცის და ქვეყნის ამბავი  
ერთად შეთხზულიუ შეზავებული!

1889 წ.